



# SLUŽBENE NOVINE

## KANTONA SARAJEVO

Godina XXV - Broj 20

Četvrtak, 28. 5. 2020. godine  
SARAJEVO

ISSN 1512-7052

### KANTON SARAJEVO

#### Skupština Kantona Sarajevo

Na osnovu člana 18. stav 1. tačka b) u vezi sa čl. 12., 13. i 14. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), čl. 7. i 30. Zakona o pravima branilaca i članova njihovih porodica ("Službene novine Federacije BiH", br. 33/04, 56/05-Ispravka, 70/07, 9/10 i 90/17) i člana 5. stav (2), člana 9. stav (2), člana 10. st. (2) i (3), člana 14. stav (4), člana 20., člana 32. stav (1), čl. 34. i 42. Zakona o pravima demobiliziranih branilaca i članova njihovih porodica ("Službene novine Federacije BiH", broj 54/19) Skupština Kantona Sarajevo, na sjednici održanoj dana 18.05.2020. godine, donijela je

#### ZAKON

#### O IZMJENAMA I DOPUNAMA ZAKONA O DOPUNSKIM PRAVIMA BORACA-BRANITELJA BOSNE I HERCEGOVINE

##### Član 1.

U Zakonu o dopunskim pravima boraca-branitelja Bosne i Hercegovine ("Službene novine Kantona Sarajevo", br. 45/12-Prečišćeni tekst, 26/14, 46/17 i 18/19) član 1. mijenja se i glasi:

##### "Član 1.

Ovim zakonom uređuju se prava, uvjeti i postupak za ostvarivanje prava, korištenje i prestanak prava, sredstva za finansiranje prava, kao i druga pitanja od značaja za ostvarivanje prava članova porodica šehida, članova porodica poginulih, umrlih i nestalih branioaca, ratnih vojnih invalida i članova njihovih porodica, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, branioaca, demobiliziranih branioaca, dobrovoljaca, organizatora otpora, veterana i ratnih vojnih zarobljenika, kao lica zaslužnih u odbrambeno - oslobodilačkom ratu sa područja Kantona Sarajevo (u daljnjem tekstu: Kanton), kao i mirnodopskih vojnih invalida.

Lica iz stava 1. ovog člana, prava po ovom zakonu ostvaruju kao dopunska uz prava koja su za branioce i članove njihovih porodica utvrđena Zakonom o pravima branilaca i članova njihovih porodica ("Službene novine Federacije BiH", br. 33/04, 56/05-Ispravka, 70/07, 9/10 i 90/17) (u daljnjem

tekstu: federalni zakon), Zakonom o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", br. 70/05, 61/06, 9/10 i 90/17), Zakonom o pravima demobiliziranih branilaca i članova njihovih porodica ("Službene novine Federacije BiH", broj 54/19), Odlukom o posebnim pravima nositelja "Partizanske spomenice 1941" i članova njihovih porodica ("Službene novine Federacije BiH", broj 6/06), Zakonom o osnovnim pravima vojnih invalida i porodica palih boraca ("Službeni list Republike BiH", br. 2/92, 6/94 i 13/94) i Zakonom o zaštiti boraca narodnooslobodilačkog rata ("Službeni list RBiH", broj 35/90).

Prava iz stava 1. ovog člana ostvaruju se u skladu sa raspoloživim budžetskim sredstvima."

##### Član 2.

U članu 2. u stavu 1. riječi iz alineje:"- učesnik rata,"zamjenjuje se riječima:

"- demobilizirani branioac,".

U članu 2. u stavu 1. iza broja:"9/10", dodaje se riječi veznik i broj:"i 90/17", a ispred broja: "9/10", veznik:"i", briše se.

U članu 2. dodaje se novi stav 6. koji glasi:

"Pod pojmom demobilizirani branioac i članovi porodice demobiliziranog branioaca smatraju se lica definisana čl. 2. i 3. Zakona o pravima demobiliziranih branilaca i članova njihovih porodica ("Službene novine Federacije BiH", broj 54/19).

##### Član 3.

Iza člana 3. dodaje se novi član 3a. i glasi:

##### "Član 3a.

Prava po ovom zakonu mogu ostvariti branioaci koji su proveli u Oružanim snagama R BiH najmanje godinu dana i lice koje je kao maloljetno stupilo u Oružane snage R BiH u periodu datom u definiciji branioaca po federalnom zakonu, pod uslovom da ne postoje okolnosti iz člana 36. federalnog zakona."

##### Član 4.

U članu 5. tačka 6. mijenja se i glasi:

"6. Subvencioniranje kamata kredita za otvaranje radnih mjesta".

U članu 5. tačka 13. mijenja se i glasi:

"13. Subvencioniranje kamata kredita za rješavanje stambenog pitanja i dodjela sredstava za rješavanje stambenih potreba".

U članu 5. dodaju se nove tač. 29. i 30. i glase:

"29. Novčana egzistencijalna naknada;

30. Personalna asistencija za ratne vojnike invalide - paraplegičare i ratne vojnike invalide 100% i grupe kojima je priznato pravo na dodatak za njegu i pomoć od drugog lica".

Član 5.

U članu 7. iza broja: "11/06", dodaju se riječi i broj: "i 38/18", a ispred broja: "11/06", veznik: "i", briše se.

Član 6.

U članu 23. dodaje se novi stav 3. koji glasi:

"Vlada Kantona posebnim propisom uređuje uvjete, kriterije i pravila utvrđivanja prednosti pri zapošljavanju kategorija koji po ovom zakonu ostvaruju to pravo, te propisuje kaznene odredbe za subjekte iz stava 2. ovog člana koji ne poštuju odredbe ostvarivanja prednosti pri zapošljavanju ovih lica."

Član 7.

U poglavlju II naziv tačke 6. mijenja se i glasi:

"6. Subvencioniranje kamata kredita za otvaranje radnih mjesta".

Član 8.

Član 24. mijenja se i glasi:

"Član 24.

Za otvaranje radnih mjesta, kojima bi pitanje zaposlenja riješila lica iz člana 1. ovog zakona, kao i članovi njihove uže porodice, mogu se subvencionirati kamate kredita ostvarenih po proceduri ovog Ministarstva putem komercijalnih banaka u svrhu pokretanja ili proširenja poslovne djelatnosti privrednim društvima, samostalnim obrtima, boračkim zadrugama i drugim poslovnim subjektima (u daljnjem tekstu: firme).

Vlada Kantona posebnim propisom utvrđuje način i uvjete pod kojim će se odobravati subvencioniranje kamata za firme, kao i ostala pitanja od značaja za ostvarivanje ovog prava."

Član 9.

U čl. 30. i 31. riječi: "čl. 1. i 2.", zamjenjuju se riječima: "člana 1."

U članu 30. dodaje se novi stav 3. koji glasi:

"Pravo iz stava 1. ovog člana ne odnosi se na izgrađene objekte koji su u postupku legalizacije."

Dosadašnji stav 3. postaje stav 4.

Član 10.

U poglavlju II naziv tačke 13. mijenja se i glasi:

"13. Subvencioniranje kamata kredita za rješavanje stambenih potreba i dodjela sredstava za rješavanje stambenih potreba".

Član 11.

U članu 33. stav 1. mijenja se i glasi:

"Lica iz člana 1. ovog Zakona, pod uvjetom da imaju prijavljeno prebivalište, odnosno boravište na području Kantona, najmanje 10 godina neprekidno do dana objave javnog poziva za ostvarivanje ovog prava, imaju pravo na subvencioniranje kamata kredita ostvarenih po proceduri ovog Ministarstva putem komercijalnih banaka, kada prvi put rješavaju svoje stambeno pitanje."

U članu 33. dodaje se stav 2. koji glasi:

"Pravo iz stava 1. ovog člana, mogu ostvariti i lica u cilju adekvatnog rješavanja stambenog pitanja primjereno porodičnoj situaciji i to za potrebe: završetka izgradnje stambene jedinice: sanacije, rekonstrukcije, adaptacije ili

dogradnje stambene jedinice, preuređenja krovišta i potkrovlja u stambeni prostor i sl."

Član 12.

U članu 35. u stavu 1. riječi: "čl. 1. i 2.", zamjenjuju se riječima: "člana 1."

U članu 35. stav 2. mijenja se i glasi:

"Sredstva iz stava 1. ovog člana mogu se dodijeliti do visine iznosa 15.000 KM, osim za dobitnike ratnih priznanja i odlikovanja i članova porodica poginulih, umrlih i nestalih dobitnika ratnih priznanja i odlikovanja ("Službene novine Federacije BiH", br. 70/05, 61/06, 9/10 i 90/17) kojima se ova sredstva mogu dodijeliti do visine iznosa 30.000 KM, prilikom ostvarivanja prava na udruživanje sredstava za kupovinu stana.

U članu 35. dodaje se novi stav 3. koji glasi:

"Lica iz stava 2. ovog člana mogu ostvariti pravo iz stava 2. ovog člana i putem sanacije, rekonstrukcije, adaptacije ili dogradnju stambene jedinice, preuređenje krovišta i potkrovlja u stambeni prostor i sl., u cilju trajnog rješavanja stambenog pitanja i kada ne rješavaju stambeno pitanje prvi put."

Član 13.

Član 36. mijenja se i glasi:

"Član 36.

Vlada Kantona posebnim propisom uređuje kriterije za ostvarivanje prava, kriterije za prvenstvo korištenja prava, namjenu kredita čija će se kamata subvencionirati, visinu iznosa subvencije kamate, postupak i uvjete pod kojima se ovo pravo ostvaruje, uvjete za izbor najpovoljnijeg ponuđača - banke za dodjelu kredita, kao i ostala pitanja od značaja za ostvarivanje ovog prava.

Propisom iz stava 1. ovog člana utvrđuje se i vrsta, namjena, postupak i uvjeti, visina sredstava za dodjelu sredstava za rješavanje stambenih potreba, kao i ostala pitanja od značaja za ostvarivanje tog prava.

Član 14.

U članu 37. riječi: "čl. 1. i 2.", zamjenjuju se riječima: "člana 1."

Član 15.

U članu 40. stav 3. iza riječi: "ostvaruju", riječ: "ostvaruju", briše se.

U članu 40. u stavu 4. broj: "4", zamjenjuje se brojem: "3", a riječi: "propisanim za ostvarivanje prava na jednokratnu, dugoročnu, beskamatnu novčanu pozajmicu", zamjenjuju se riječima: "koje utvrdi Ministarstvo posebnim rješenjem".

Član 16.

Član 42. mijenja se i glasi:

"Član 42.

Ratni vojni invalidi I grupe i ratni vojni invalidi koji su radno nesposobni po osnovu ranjavanja ili ozljeđivanja za vrijeme službe u Oružanim snagama RBiH, kao i djeca šehida-poginulog borca- branitelja i umrlog ratnog vojnog invalida, koja su bez oba roditelja, čije je stambeno pitanje riješeno na način koje nezadovoljava njihove potrebe, ostvaruju pravo iz člana 40. ovog zakona pod uvjetom da stan kojim raspolazu prodaju po cijeni vrijednosti stana utvrđenoj od strane nadležnog sudskog vještaka, tako što će iznos od prodanog stana biti dio ukupne vrijednosti dodijeljenog stana."

Član 17.

U članu 46. stav 4. riječi: "čl. 1. i 2.", zamjenjuju se riječima: "člana 1."

Član 18.

U članu 49. stav 1. riječi: "čl. 1. i 2.", zamjenjuju se riječima: "člana 1."

U članu 49. stav 2., briše se.

Dosadašnji st. 3. i 4. postaju st. 2. i 3.

Član 19.

U članu 50. u stavu 1. riječi: "Fonda Kantona Sarajevo za izgradnju i očuvanje memorijalnih centara i spomen obilježja žrtava genocida", zamjenjuju se riječima: "Javna ustanova" Fond Memorijala Kantona Sarajevo".

Član 20.

U članu 51. stav 1. mijenja se i glasi:

"Organizatorima otpora, veteranima, dobrovoljcima, dobitnicima ratnog priznanja i odlikovanja, ratnim vojnim invalidima bez obzira na stepen invalidnosti, Kanton Sarajevo putem Fonda Memorijala, podiže nišane - nadgrobnice spomenike nakon njihove smrti, u skladu sa usvojenim tipiziranim idejnim rješenjem od strane Fonda Memorijala.

U članu 51. stav 2. iza riječi: "BiH", dodaju se riječi: " i ostalih jedinica i komandi čije je sjedište bilo u Sarajevu."

Član 21.

U članu 52. u stavu 1. riječi: "imali i na dan 06.02.1999. godine", zamjenjuju se riječima: "imali najmanje 10 godina neprekidno do dana podnošenja zahtjeva za ostvarivanje prava".

Član 22.

U članu 54. iza broja: "9/10", dodaju se riječi i broj: " i 90/17", a ispred broja: " 9/10", veznik: "i", briše se.

Član 23.

U članu 57. broj: "2", zamjenjuje se brojem: "1".

Član 24.

U čl. 58., 59., 60., 61., 62., 64. riječi: " čl. 1. i 2.", zamjenjuju se riječima: "člana 1."

Član 25.

U članu 60. stav.2. iza broja: "9/10", dodaju se riječi i broj: "i 90/17", a ispred broja: "9/10", riječ: "i", briše se.

Član 26.

Iza člana 64. u poglavlju II dodaje se nova tačke 29. koja glasi:

"29. Novčana egzistencijalna naknada".

Član 27.

Iza člana 64. dodaju se novi čl. 64a., 64b., 64c., 64d., 64e., 64f. i glase:

"Član 64a.

Novčana egzistencijalna naknada u smislu ovog zakona je mjesečna novčana naknada demobiliziranim braniocima koja se dodjeljuje pod uvjetima, na način i u visini propisanim ovim zakonom.

Pravo na novčanu egzistencijalnu naknadu može ostvariti demobilizirani branioac do navršavanja 57. godina života pod uvjetom da je bio pripadnik Oružanih snaga najmanje godinu dana, da je prijavljen kao nezaposleno lice kod nadležne službe za zapošljavanje najmanje godinu dana prije podnošenja zahtjeva za ostvarivanje prava, ukoliko ima prebivalište/boravište na području Kantona i ako ostvaruje mjesečne prihode u iznosu manjem od 50% minimalne penzije isplaćene u Federaciji Bosne i Hercegovine za mjesec decembar 2018. godine.

Član 64b.

Lice iz člana 64a. dužno je dokazati ispunjavanje svih navedenih uvjeta za ostvarivanje ovog prava, a Ministarstvo će donijeti uputstvo o načinu, uvjetima i dokumentaciji potrebnoj za ostvarivanje ovog prava.

Član 64c.

Visina iznosa mjesečne novčane egzistencijalne naknade utvrđuje se u iznosu od 5 KM po mjesecu provedenom u Oružanim snagama.

Iznos naknade iz stava 1. ovog člana može biti i niži uz primjenu koeficijenta za obračun, ali ne može biti veći od visine egzistencijalne naknade utvrđene na federalnom nivou na bazi primjene koeficijenta za njen obračun koji kvartalno donosi Vlada Federacije Bosne i Hercegovine.

Član 64d.

Pravo na novčanu egzistencijalnu naknadu pripada licima koji ispunjavaju uvjete za priznavanje ovog prava od prvog narednog mjeseca od dana podnošenja zahtjeva.

Pravo na novčanu egzistencijalnu naknadu prestaje:

- smrću korisnika,
- zasnivanjem radnog odnosa, ostvarivanjem prava na penziju, prijavom samostalne djelatnosti ličnim radom, ostvarivanjem prava na mjesečnu naknadu po federalnom propisu, ostvarivanjem prihoda po osnovu izdavanja u zakup nekretnina, ukoliko po navedenom demobilizirani branioac ostvaruje mjesečne prihode u većem iznosu od 50% minimalne penzije isplaćene u Federaciji Bosne i Hercegovine za mjesec decembar 2018. godine.

Pravo na novčanu egzistencijalnu naknadu ne može se prenijeti na drugo lice.

Korisnik prava dužan je u roku od 15 dana od dana nastanka promjene prijaviti prvostepenom organu svaku promjenu koja utiče na prestanak prava, a prvostepeni organ će po službenoj dužnosti na osnovu prijave korisnika ili saznanja na drugi način o razlozima za prestanak prava, donijeti rješenje o prestanku prava.

Član 64e.

Novčana sredstva za ostvarivanje i korištenje prava na novčanu egzistencijalnu naknadu za lica iz člana 64a. ovog zakona obezbjeđuju se iz Budžeta Kantona.

Ukoliko iznos pojedinačne naknade iz člana 64.c ovog zakona, pomnožen sa brojem korisnika, bude zahtjevao veći iznos sredstava obezbjeđenih za te namjene u Budžetu Kantona, primjenjivaće se koeficijent za obračun.

Vlada Kantona nakon usvajanja budžeta, kvartalno donosi zaključak kojim se utvrđuje koeficijent za obračun i iznos novčane egzistencijalne naknade, u zavisnosti od broja korisnika na način da ukupan iznos potrebnih sredstava na nivou fiskalne godine ne prelazi iznos u Budžetu Kantona za te namjene.

Prvostepeni organ vodi kompletnu evidenciju o korisnicima prava, a Ministarstvo u okviru godišnjeg izvještaja o tome upoznaće Vladu Kantona.

Član 64f.

Lice kome je isplaćeno novčano primanje prema ovom zakonu na koje nije imalo pravo, dužno je vratiti primljeni iznos.

Za nepravilne isplate koje su nastale kao greška organa koji je vodio postupak, nepravilno isplaćena sredstva nadoknađuje organ koji je učinio grešku i odgovarajući iznos doznacava na račun Budžeta Kantona."

Član 28.

Iza člana 64f. u poglavlju II dodaje se nova tačke 30. koja glasi:

"30. Personalna asistencija za ratne vojne invalide - paraplegičare i ratne vojne invalide 100% I grupe kojima je priznato pravo na dodatak za njegu i pomoć od drugog lica

Član 29.

Iza člana 64f. dodaje se novi član 64g. koji glasi:

"Član 64g.

Ministarstvo će svake budžetske godine spram raspoloživih sredstava podržati projekte "Personalne asistencije

za ratne vojne invalide - paraplegičare i ratne vojne invalide 100% I grupe kojima je priznato pravo na dodatak za njegu i pomoć od drugog lica" koji podstiču uključivanje lica sa invaliditetom u normalne životne aktivnosti, te vraćanje licima sa invaliditetom prava na dostojanstvo koje im je narušeno.

Kao personalni asistenti će biti angažovana nezaposlena osoba sa evidencije nadležne službe za zapošljavanje Kantona, sa naglaskom da to prvenstveno budu djeca ratnih vojnih invalida."

#### Član 30.

Član 66. se briše, a dosadašnji čl. 67., 68., 69., 70., 71., 72., 73., 74., 75., 76. i 77. postaju čl. 66., 67., 68., 69., 70., 71., 72., 73., 74., 75. i 76.

#### Član 31.

U članu 67. stav 1. iza broja: "31." dodaju se riječi: "tač. 1. i 3. i iza broja: "55", dodaju se riječi: " i 64a.", a između br. 54. i 55. briše se veznik: "i".

U članu 67. dodaje se novi stav 3. koji glasi:

"Prvostepena rješenja iz stava 1. ovog člana podliježu nadzoru koji obavlja Ministarstvo."

#### Član 32.

Iza člana 76. dodaje se novi član 76a. koji glasi:

#### "Član 76a.

Lica iz člana 1. ovog zakona koja su ostvarila pravo na dodjelu jednokratne, beskatne novčane pozajmice za rješavanje stambenog pitanja i nalaze se na listi, ali im se nije moglo udovoljiti zbog ograničenih budžetskih sredstava za tu namjenu, njihovi zahtjevi će se tretirati kao zahtjevi za subvencioniranje kamata kredita sa ostvarenim brojem bodova do 2019. godine po osnovu prava na dodjelu jednokratne, beskatne novčane pozajmice za rješavanje stambenog pitanja.

Lica iz člana 1. ovog zakona koja su u postupku ostvarivanja prava na novčanu pozajmicu za otvaranje radnih mjesta, kojima bi pitanje zaposlenja riješila lica iz člana 1. ovog zakona, kao i članovi njihove uže porodice, njihovi zahtjevi koji su predati, ali postupak odobravanja još nije okončan će se tretirati kao zahtjevi za subvencioniranje kamata kredita ostvarenih po proceduri ovog Ministarstva putem komercijalnih banaka, a u svrhu pokretanja ili proširenja poslovne djelatnosti firme."

#### Član 33.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-12776/20  
18. maja 2020. godine  
Sarajevo

Predsjedavajući  
Skupštine Kantona Sarajevo  
Dr. Mirza Čelik, s. r.

Na osnovu člana 21 Zakona o pravobranilaštvu - Novi prečišćeni tekst ("Službene novine Kantona Sarajevo", broj 33/08, 7/12 i 44/16), Skupština Kantona Sarajevo, na sjednici održanoj dana 18.05.2020. godine, donijela je

### ODLUKU

#### O IMENOVANJU ZAMJENIKA PRAVOBRANIIOCA PRAVOBRANIŠTVA KANTONA SARAJEVO

##### I

AJLA ŠAKOVIĆ, diplomirani pravnik imenuje se za zamjenika pravobranioca Pravobranilaštva Kantona Sarajevo.

##### II

Imenovana se imenuje za zamjenika pravobranioca Pravobranilaštva Kantona Sarajevo bez ograničenja mandata.

##### III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-07-12778/20  
18. maja 2020. godine  
Sarajevo

Predsjedavajući  
Skupštine Kantona Sarajevo  
Dr. Mirza Čelik, s. r.

Na osnovu člana 21. Zakona o pravobranilaštvu - Novi prečišćeni tekst ("Službene novine Kantona Sarajevo", broj 33/08, 7/12 i 44/16), Skupština Kantona Sarajevo na sjednici održanoj dana 18.05.2020. godine, donijela je

### ODLUKU

#### O IMENOVANJU ZAMJENIKA PRAVOBRANIIOCA PRAVOBRANIŠTVA KANTONA SARAJEVO

##### I

ALMIRA KULOVAC ŠETKIĆ, diplomirani pravnik imenuje se za zamjenika pravobranioca Pravobranilaštva Kantona Sarajevo.

##### II

Imenovana se imenuje za zamjenika pravobranioca Pravobranilaštva Kantona Sarajevo bez ograničenja mandata.

##### III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-07-12779/20  
18. maja 2020. godine  
Sarajevo

Predsjedavajući  
Skupštine Kantona Sarajevo  
Dr. Mirza Čelik, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/0, 28/04, 6/13 i 31/17) i člana 24. Zakona o cestama Federacije Bosne i Hercegovine ("Službene novine Federacije BiH", br. 12/10, 16/10 i 66/13), Skupština Kantona Sarajevo, na sjednici održanoj dana 18.05.2020. godine, donijela je

### ODLUKU

#### O DAVANJU SAGLASNOSTI NA SREDNJOROČNI PLAN I PROGRAM ODRŽAVANJA, ZAŠTITE, REKONSTRUKCIJE I IZGRADNJE JAVNIH PUTEVA NA PODRUČJU KANTONA SARAJEVO ZA PERIOD OD ČETIRI GODINE (01.01.2020-31.12.2023.)

##### I

Daje se saglasnost na Srednjoročni plan i program održavanja, zaštite i rekonstrukcije i izgradnje javnih puteva na području Kantona Sarajevo za period od četiri godine (01.01.2020-31.12.2023. godine).

##### II

Ova odluka stupa na snagu danom objavljivanja u "Službenim novinama Kantona Sarajevo".

Broj 01-04-12781/20  
18. maja 2020. godine  
Sarajevo

Predsjedavajući  
Skupštine Kantona Sarajevo  
Dr. Mirza Čelik, s. r.

Na osnovu člana 5. Odluke o obilježavanju ulica, trgova, parkova, mostova, institucija i ustanova imenima i zgrada brojevima na području Kantona Sarajevo ("Službene novine grada Sarajeva", broj 7/94) i ("Službene novine Kantona Sarajevo", broj 12/06), Skupština Kantona Sarajevo na sjednici održanoj dana 18.05.2020. godine, donijela je